

歷代帝王宅京記卷十七

崑山顧炎武著

吳縣朱記榮校刊

宋州

宋

宋史地理志曰大中祥符七年建應天府為南京宮城

周二里三百一十六步門曰重熙頌慶殿曰歸德

元豐六年

賜度僧牒修外城門及西橋等京城周迴一十五里四十步東二門南

曰延和北曰昭仁西二門南曰順城北曰迴鑾南一門

曰崇禮北一門曰靜安中有隔城又有門二東曰承慶

西曰祥輝其東又有關城南北各一門

葉夢得石林燕語曰應天府藝祖肇基之地祥符七年

歷代帝王宅京記卷十七

一

朱氏槐廬校刊

建南京詔即衙城為大內正殿以歸德為名雖降圖營

建而實未嘗行天禧中王曾為守請減省舊制別為圖

以進亦但報聞其後僅修祥輝崇禮二門而已元豐間

蘇頌自南京還朝請以曾奏先修歸德一殿約為屋百

間神宗亦未暇也惟正門以真宗觀醮賜名重熙頌慶

樓猶是雙門未嘗改作

玉海曰宋州景德三年二月甲申升應天府祥符七年

正月丙辰升南京詔曰洪惟藝祖歷試是邦同幽土之

始基應春陵之王氣稽唐氏晉陽之制肇建新都

地理通釋曰南京應天府闕伯所居商邱周為宋國漢

為梁國隋唐為宋州太祖以歸德軍節度使即位定有

如大郡之設廳澶熙再脩止循其舊每殿爲屋五間十二架修六丈廣八丈四尺殿南簷屋三間修一丈五尺廣亦如之兩朵殿各二間東西廊各二十間南廊九間其中爲殿門三間六架修三丈廣四丈六尺後擁舍七間卽爲延和其制尤卑陛階一級小如常人所居而已奉太上則有德壽宮重華宮壽康宮奉聖母則有慈甯宮慈福宮壽慈宮德壽宮在大內北望仙橋故又謂之北內紹興三十二年所造宮成詔以德壽爲名高宗爲上皇御重華卽德壽宮也孝宗遜位御之壽康宮卽甯福殿也初丞相趙汝愚議以秘書省爲泰甯宮已而不果行以慈懿皇后外第爲之上皇不欲遷因以舊甯福

殿爲壽康宮光宗遜位御之大內苑中亭殿亦無增其名稱可見者僅有復古殿損齋觀堂芙蓉閣翠寒堂清華閣櫺木堂隱岫澄碧倚桂隱秀碧琳堂之類此南內也北內苑中則有大池引西湖水注之其上疊石爲山象飛來峰有樓曰聚遠禁籞周迴四分之東則香遠清深月臺梅坡松菊三徑清妍清新芙蓉圃南則載忻欣射廳臨賦燦錦至樂半丈紅清曠瀉碧西則冷泉文杏館靜樂浣溪北則絳華早船俯翠春桃盤松皇太子宮曰東宮其未出閣但聽讀於資善堂堂在宮門內已受冊則居東宮宮在麗正門內紹興三十二年始置孝宗居之莊文太子立復居之光宗爲太子孝宗謂輔臣

曰今後東宮不須勑建朕宮中宮殿多所不御可移修之自是皆不別建淳熙二年始勑射堂一爲游藝之所圃中有榮觀玉淵清賞等堂鳳山樓皆宴息之地也幕殿卽周官大小次也東都時郊壇大次謂之青城祀前一日宿齋詣焉其制中有二殿外有六門前曰泰禋後曰拱極東曰祥曦西曰景曜東偏曰承和西偏曰端誠便殿曰熙成中興後以事天尙質屢詔郊壇不得建齋宮惟設幕屋而已其制架木而以葦爲障壇不得建齋上下四旁周以幄帟以象宮室謂之幕殿及行事又於壇所設小次大小次之外又有望祭殿遇雨則行事於中東都時爲瓦屋五間周圍重廊中興後惟設葦屋蓋

做清廟茅屋之制也

玉海曰紹興四年將還臨安始命有司建太廟十二年作太社太稷皇后廟都亭驛太學十三年築園邱景靈宮高禴壇秘書省十五年作內中神御殿十六年廣太廟建武堂十七年作玉津園太一宮萬壽觀十八年築九宮貴神壇十九年建太廟齋殿二十年作玉牒所二十二年作左藏庫南省倉二十五年建執政府二十六年築兩相第太醫殿二十七年建尙書六府凡定都二十年而郊廟宮省始備

方回南渡後郊邱考曰紹興十三年正月以禮部太常寺申請命殿前都指揮使楊存中知臨安府王暎依國

朝禮制建郊邱於國之東南及建青城齋宮在嘉會門外南四里龍華寺西爲壇四成上成從廣七丈再成十二丈三成十七丈四成二十二丈分十二陛陛七十二級壇及內壝七百九十步中外壝通二十五步燎壇方一丈高一丈二尺在壇南二十步內地餘四十步以列仗衛惟青城齋宮及望祭殿詔勿營臨事則爲幕屋畧倣汴京制度大殿曰端誠便殿曰熙成其外爲泰禋門隆興三年以寢殿在淨明寺易安齋去青城稍遠乃徙寺之舊熙成殿於端誠後以充寢殿

又曰紹興四年就臨安行宮合祀天地茲循祖宗時行宮草創一大殿大朝會榜曰文德殿策進士唱名榜曰

歷代帝王宅京記卷十七

五

宋氏槐廬校刊

集英殿秋享榜曰明堂殿 初太廟寓温州至是已新建太廟於臨安而景靈宮未建但卽常御殿設位朝獻紹興十三年始建景靈宮於新莊橋之西

岳珂程史曰行都之山肇自天目負山之址有門曰朝天南循其陜爲大宮又南爲相府斗拔起數峰爲萬松八盤嶺下爲鈞天九重之居右爲複嶺設周廬之衛止焉舊傳讖記曰天目山垂兩乳長龍鸞鳳舞到錢塘山明水秀無人會五百年間出帝王錢氏有國世臣事中朝不欲其語之聞更易其未句曰異姓王讖實不然也建炎元二之災六龍南巡四朝奠都帝王之眞於是乎驗朝天之東有朝曰望仙仰眺吳山如卓馬立顧紹興

開望氣者以爲有鬱葱之符秦檜顯國心利之請以爲
賜第其東偏卽檜家廟而西則一德格天閣之故基也
檜死熺猶戀戀不能決去請以姪常州通判烜爲光祿
子丞留蒞家廟以爲復居之萌芽言者風聞遂請罷烜
并遷廟主於建康遂空其居高宗將倦勤詔卽其所築
新宮賜名德壽居之以膺天下之眷者二十七年清蹕
躬朝歲時燧奕重華繼御更慈福壽慈凡四侈鴻名宮
室實皆無所更稍北連費爲今佑聖觀蓋晉安故邸莊
文魏王光宗聖帝實生是閒今上亦於此開甲觀之祥
陳隨應南渡行宮記曰杭州治舊錢王宮也紹興因以
爲行宮皇城九里入和甯門左進奏院玉堂右中殿外

庫至北宮門循廊左序巨墻幕次列如重貫祥曦殿朵
殿接修廊爲後殿對以御酒庫御藥院慈元殿外庫內
侍省內東門司大內都巡檢司御廚天章等閣廊回路
轉衆班排列又轉內藏庫對軍器庫又轉便門垂拱殿
五門十二架脩六丈廣八丈四尺簷屋三閒修廣各又
五朵殿四兩廊各二十閒殿門三閒內龍墀折檻殿後
擁舍七閒爲延和殿右便門通後殿殿左一殿隨時易
名明堂郊祀曰端誠策士唱名曰集英宴對奉使曰崇
德武舉及軍班授官曰講武東宮在麗正門內南宮門
外本宮會議所之側入門垂楊夾道閒芙蓉環朱闌二
里至外宮門節堂後爲財帛生料二庫環以官屬直舍

轉外窰子入內宮門廊右爲贊導春坊直舍左講堂七
楹扁新益外爲講官直舍正殿向明左聖堂右祠堂後
凝華殿瞻菴堂環以竹左寢室右齊安位內人直舍百
二十楹左彝齋太子賜號也接繡香堂便門通繹已堂
重簷複屋昔楊太后垂簾於此曰慈明殿前射圃竟百
步環修廊右博雅樓十二間左轉數十步雕闌花鬢萬
卉中出秋千對陽春亭清霽亭前芙蓉後木樨玉質亭
梅繞之由繹已堂過錦膳廊百八十楹直通御前廊外
卽後苑梅花千樹曰梅岡亭曰冰花亭枕小西湖曰水
月境界曰澄碧牡丹曰伊洛傳芳芍藥曰冠芳山茶曰
鶴丹桂曰天闕清香堂曰本支百世祐聖祠曰慶和泗
洲曰慈齊鐘呂曰得真橘曰洞庭佳味茅亭曰昭儉木
香曰架雪竹曰賞靜松亭曰天陵偃蓋以日本國松木
爲翠寒堂不施丹雘白如象齒環以古松碧琳堂近之
一山崔嵬作觀堂爲上焚香祝天之所吳知古掌焚修
每三茅觀鐘鳴觀堂鐘應之則駕輿山背芙蓉閣風帆
沙鳥在履舄下山下一溪縈帶通小西湖亭曰清漣恠
石夾列獻瑰逞秀三山五湖洞穴深杳豁然平朗翬飛
翼拱陵虛樓對瑞慶殿損齋緝熙崇政殿之東爲欽先
孝思復古紫宸等殿木圍卽福甯殿射殿曰選德坤甯
殿貴妃昭儀婕妤等位宮人直舍螳聚焉又東過閣子
庫睿思殿儀鸞修內八作翰林諸司是謂東華門

元史世祖本紀曰至元二十二年春正月庚辰毀宋郊
天壇桑哥言楊輦亦作璉真加云會稽有泰甯寺宋毀之
以建甯宗等橫宮錢唐有龍華寺宋毀之以爲南郊皆
勝地也宜復爲寺以爲皇上東宮祈壽時甯宗等橫宮
已毀建寺勅毀郊天壇亦建寺焉
二十五年春二月江淮總攝楊璉真加言以宋宮室爲
塔一爲寺五